



სსიპ საქართველოს ტექნიკური უნივერსიტეტის რექტორის  
ბრძანება

ქ. თბილისი



MES 5 22 0000090539



31/01/2022

**სტუდენტთა მობილობის წესით ჩარიცხვის შესახებ**

საქართველოს განათლებისა და მეცნიერების მინისტრის 2010 წლის 4 თებერვლის N10/ნ ბრძანებით დამტკიცებული „უმაღლესი საგანმანათლებლო დაწესებულებიდან სხვა უმაღლეს საგანმანათლებლო დაწესებულებაში გადასვლის წესის და საფასურის დამტკიცების შესახებ“, სსიპ – განათლების მართვის საინფორმაციო სისტემის უფროსის 2022 წლის 11 იანვრის №1 22 001.1/1 ბრძანების "2021-2022 სასწავლო წლის გაზაფხულის სემესტრში, უმაღლესი საგანმანათლებლო დაწესებულების სტუდენტის ერთი დაწესებულებიდან სხვა დაწესებულებაში გადასვლის (მობილობის) პროცესის ადმინისტრირებასთან დაკავშირებული ვადების განსაზღვრის შესახებ", საქართველოს ტექნიკური უნივერსიტეტის სტუდენტთა კონტინენტის ფორმირების, მობილობის შესახებ ინსტრუქციისა და საქართველოს ტექნიკური უნივერსიტეტის აკადემიური საბჭოს დადგენილების საფუძველზე

**ვბრძანებ:**

1. საქართველოს ტექნიკურ უნივერსიტეტში, 2021-2022 სასწავლო წლის მეორე სემესტრიდან საბაკალავრო, სამაგისტრო და სადოქტორო საგანმანათლებლო პროგრამებზე მობილობის წესით ჩარიცხვის მსურველთათვის, რომლებმაც სსიპ – განათლების მართვის საინფორმაციო სისტემის მობილობის მსურველ პირთა ელექტრონულ პორტალზე რეგისტრაციის შედეგად მოიპოვეს სტუ–ში მობილობის წესით ჩარიცხვის უფლება, განცხადების (დანართი 1) და თანდართული დოკუმენტაციის (დანართი 2) სტუ–ის სასწავლო პროცესების მართვის დეპარტამენტის ელ ფოსტაზე study@gtu.ge ელექტრონულად ატვირთვის ვადა განისაზღვროს საბაკალავრო საგანმანათლებლო

პროგრამებზე: 2022 წლის 11 თებერვლიდან – 14 თებერვლის 17<sup>00</sup> საათამდე; სამაგისტრო და სადოქტორო საგანმანათლებლო პროგრამებზე 2022 წლის 11 თებერვლიდან – 13 თებერვლის 17<sup>00</sup> საათამდე;

2. სტუდენტთა მობილობის წესით ჩარიცხვის პროცესების წარმართვა დაევალოს სტუ-ის სასწავლო პროცესების მართვის დეპარტამენტის უფროსს თ.წერეთელს;
3. განცხადებების არსებული წესით რეგისტრაცია დაევალოს სტუ-ს საქმის წარმოების დეპარტამენტს;
4. სამაგისტრო და სადოქტორო პროგრამებზე სტუდენტთა მობილობის წესით ჩარიცხვა განხორციელდეს შესაბამისი სამაგისტრო და სადოქტორო პროგრამებზე დაშვების წინაპირობის გათვალისწინებით;
5. სტუდენტთა მობილობის წესით ჩარიცხვის მიზნით სამაგისტრო და სადოქტორო პროგრამებზე დაშვების წინაპირობის (იხ. დანართი 3 და 4) შესაბამისად გამოცდა უცხო ენაში ჩატარდეს 2022 წლის 14 თებერვალს 14<sup>00</sup>საათზე, სტუ-ის I კორპუსში, საგამოცდო და ელექტრონული სასწავლო რესურსების ცენტრში (დარბაზი II) კოსტავას ქ. N68-;
6. სტუდენტთა მობილობის წესით ჩარიცხვის მიზნით სამაგისტრო და სადოქტორო პროგრამაზე დაშვების წინაპირობის (იხ. დანართი 3 და 4) შესაბამისად გასაუბრება უცხო ენაში ჩატარდეს 2022 წლის 14 თებერვალს 12<sup>00</sup>საათზე, სტუ-ის ადმინისტრაციულ კორპუსში, კოსტავას ქ. N77, (ცენტრალურ ბიბლიოთეკაში);
7. სამაგისტრო პროგრამებზე სტუდენტთა მობილობის წესით ჩარიცხვის მიზნით სამაგისტრო პროგრამაზე დაშვების წინაპირობის (იხ. დანართი 3) შესაბამისად გამოცდა სასპეციალიზაციო საგნებში ჩატარდეს 2022 წლის 14 თებერვალს 14<sup>00</sup> საათზე სტუ-ის I კორპუსში, საგამოცდო და ელექტრონული სასწავლო რესურსების ცენტრში (დარბაზი II) კოსტავას ქ. N68;
8. სადოქტორო პროგრამაზე სტუდენტთა მობილობის წესით ჩარიცხვის მიზნით სადოქტორო პროგრამაზე დაშვების წინაპირობის (იხ. დანართი 4) შესაბამისად გასაუბრება საფაკულტეტო დროებით კომისიასთან ჩატარდეს 2022 წლის 14<sup>00</sup> თებერვალს 13<sup>00</sup> საათზე, სტუ-ის ადმინისტრაციულ კორპუსში, კოსტავას ქ. N77, (ცენტრალურ ბიბლიოთეკაში);
9. სასპეციალიზაციო საგანებსა და უცხო ენაში ჩატარებული გამოცდების შედეგების აპელაცია ჩატარდეს 2022 წლის 15 თებერვალს 12<sup>00</sup> საათზე;
10. დაევალოს საქართველოს ტექნიკური უნივერსიტეტის ფაკულტეტების ადმინისტრაციას მოტივირებული დასკვნების მომზადება (დანართი 5) და შედეგების მობილობის მსურველთათვის გაცნობა არაუგვიანეს 2022 წლის 16 თებერვლის 12<sup>00</sup> საათისა;
11. ფაკულტეტის მიერ სტუდენტთა მობილობის წესით ჩარიცხვის შესახებ ბრძანების პროექტის (დანართი 6) სასწავლო პროცესების მართვის დეპარტამენტში წარდგენის ვადა განისაზღვროს არაუგვიანეს 2022 წლის 17 თებერვლის 12<sup>00</sup> საათისა;
12. 2021-2022 სასწავლო წლის მეორე სემესტრიდან საქართველოს ტექნიკურ უნივერსიტეტში მობილობის წესით ჩარიცხვის მსურველთა შესახებ ერთიანი ბრძანების პროექტის მომზადება და სსიპ – განათლების მართვის საინფორმაციო სისტემის საგანმანათლებლო დაწესებულებების რეესტრში ელექტრონულად ასახვა უზრუნველყოს სასწავლო პროცესების მართვის დეპარტამენტმა არა უგვიანეს 2022 წლის 18 თებერვლისა;
13. კონტროლი ბრძანების შესრულებაზე დაევალოს ვიცე-რექტორს ლ.კლიმიაშვილს;
14. ბრძანება განთავსდეს საქართველოს ტექნიკური უნივერსიტეტის ვებგვერდზე;
15. ბრძანება ძალაშია ხელმოწერისთანავე;
16. ბრძანება შეიძლება გასაჩივრდეს ძალაში შესვლიდან 1 (ერთი) თვის ვადაში თბილისის საქალაქო სასამართლოში (მდებარე: თბილისი, დავით აღმაშენებლის ხეივანი, მე-12 კმ, N64).

ვიცე-რექტორი  
კლიმიაშვილი ლევან

წმ